

JU „Djeca Sarajeva“, vrtić „Višnjik“ Šampioni zaštite prirode u kategoriji obdaništa

Obrazovanje i odgoj djece za zaštitu i unaprjeđenje životne sredine jedan je od izuzetno važnih ciljeva u procesu odgoja i obrazovanja, a pretpostavlja upoznavanje vrijedonosnih sistema, ciljeva, principa i normi ponašanja. Osoba, odrasla ili dijete, obrazovana je za zaštitu životne sredine tek onda ako je dovoljno informisana i ukoliko te informacije o zaštiti životne sredine postanu motiv njenog ponašanja. Dakle, potrebno je znati kako zaštititi, kako unarijediti i kako se pozitivno odnositi prema životnoj sredini.

Polazeći od toga, ali i činjenice da se u neposrednom okruženju vrtića „Višnjik“ daju uočiti neprimjerene scene o odnosu ljudi prema okolišu, osoblje vrtića odlučilo je da kroz realizaciju EKO projekta da svoj profesionalni, ali i ljudski doprinos razvijanju ekološke svijesti kod najmlađih. Značaj projekta prepoznali su građani koji su dali svoj glas za JU „Djeca Sarajeva“ vrtić „Višnjik“ u kampanji „Šampioni zaštite prirode“ 2018.

Cilj Projekta bio je upoznati djecu sa važnošću zdravog okoliša, te izgrađivati zaštitnički odnos prema prirodi koji uključuje brigu, obnavljanje i očuvanje prirodnih resursa, a s tim u vezi i razumijevanje postupka recikliranja, te njegovu svrhu i značaj.

Projekat je realiziran zajedničkim radom djece, odgajatelja i roditelja uz podršku društvene zajednice, tj. Javnih preduzeća i Općinskih službi za očuvanje okoliša (JP „Park“, Eko redari, Zemaljski muzej i Pozorište mladih Sarajevo).

Aktivnosti projekta su bile:

- Presentacije: Voda, vazduh, zemlja;
- Priprema kutija za skupljanje otpada, uz imena i sakupljanje otpada;
- Eko redari u vrtiću, mališani šetaju i uočavaju nemar građana Sarajeva;
- Boravak na Trebeviću s akcentom na čisti vazduh i izrada makete;
- Sadnja drveće sa uposlenicima JK PARK-a u neposrednoj blizini vrtića;
- Sadnja breze u dvorište vrtića;
- Eko akcija: Roditelji uređuju dvorište;
- Izrada kaširanog papira i slikanje na istom;
- Izrada slikovnica- koristi od drveta i njegovoj zaštiti;
- Pisanje peticije za zaštitu drveća; Radni listovi: Pravilno odlaganje otpada;
- Izrada slikovnica o vodi i njenoj zaštiti;
- Posjeta Zemaljskom muzeju posmatranje flore i faune;
- Radionica za roditelje: Izrada Orfovog instrumentarija od otpada izrada kecelja za Art centar od PVC kesa-reciklaža;

